

四
診
脉
鑑
大
全

四診脉鑑大全卷之八

雲間浩然子惠源王宏翰著輯

聖來王兆文

男 聖發王兆武較訂

聖啓王兆成

婦人妊娠診分男女脉法

陰陽應象篇曰天地者萬物之上下也陰陽者血氣之男女也左右者陰陽之道路也水火者陰陽之徵兆也陰陽者萬物之能始也

陰陽別論篇曰陰搏陽別謂之有子

○王啓玄註曰陰謂尺中也搏謂搏觸於手也尺脉搏擊與寸脉殊別陽氣挺然則爲有妊之兆

○陳自明良方曰搏者近也謂陰脉逼近於下陽脉別出於上陽中見陽乃陽施陰化法當有子

○戴同父刊誤謂寸微尺數也

○脉指南曰脉動入產門者有胎也謂脉出尺外名曰產門又云尺中脉數而旺者胎脉也爲血盛也

○王宏翰按細繹內經并諸家之論謂陰搏陽別則尺

脉搏擊于手者乃數滑有力而寸脉來微有別異於尺則是寸脉來微殊別與尺脉之滑數是有子之象也而陳自明之論陽中見陽則是寸數與內經之言有異矣但孕子之脉原有寸關尺俱數之脉而此節之經文乃寸微尺數之旨也

平人氣象篇曰少陰脉動甚者妊子也

○全元起註作足少陰

○王啓玄註作手少陰動脉者大如豆厥厥動搖也脉陰陽相薄名曰動也

四言脈經
卷之八
二
○王叔和脉經曰心主血脉腎名胞門子戶尺中腎脉也尺中之脉按之不絕法妊娠也

○王宏翰按全元起王冰二家之註各執一見而叔和合而同論細釋其義但手少陰心也心主血脉足少陰腎也腎主藏精精血調和交會孕子之徵也言心腎二部之脉動甚或一部之脉動甚者皆婦人懷娠之象也

腹中篇曰何以知懷子之且生也岐伯曰身有病而無邪脉也○按身有病者謂經閉也夫脉來而斷絕者

經閉月水不利也。今病經閉而脉來如常有神不斷絕者，是妊娠也。

脉經曰：三部脉浮沉正等，按之無絕者，有娠也。妊娠初時，寸微小，呼吸五至，三月而尺數也。脉滑疾重以下按之散者，胎以三月也。脉重手按之不散，但疾不滑者，五月也。

○王宏翰按：脉浮沉正等者，卽仲景所謂寸關尺三處之脉，大小浮沉遲數同等也。仲景以同等謂陰陽平和之脉，病雖劇當愈。此大槩論病人之脉也。叔和謂

婦人之脉三部浮沉正等又按之無絕者謂陰陽和
治有娠之兆也

又曰妊娠四月欲知男女法左疾爲男右疾爲女俱疾
爲生二子

又曰得太陰脉爲男太陽脉爲女太陰脉沉太陽脉浮
又曰左手沉實爲男右手浮大爲女左右手俱沉實猥
生二男左右手俱浮大猥生二女

○戴同父曰脉經雖曰太陰脉沉爲男太陽脉浮爲女
亦不明言以何部爲太陽太陰不若後條浮大爲女

沉實爲男之明白也。

脉經曰尺脉左偏大爲男右偏大爲女左右俱大產二子大者如實狀。

又曰左右尺俱浮爲產二男不爾則女作男生左右尺俱沉爲產二女不爾則男作女生也。

○戴同父曰前云右浮大爲女左沉實爲男是獨以左右脉各異立言今左右俱浮爲二男俱沉爲二女是並左右兩尺脉一同以其于諸陽男諸陰女未常有差也左沉實右疾左偏大與俱浮或以脉或以位皆

陽也。右浮大右疾右偏大與俱沉。或以脈或以位皆陰也。

脈經曰：造娠婦面南行呼之。左迴首者是男。右迴首者是女也。

又曰：看上面時。夫從後急呼之。左迴首是男。右迴首是女也。

○婁全善曰：按朱丹溪言。男受胎在左子宮。女受胎在右子宮。斯言大契。是說也。蓋男胎在左。則左重。故迴首時。慎護重處而就左也。女胎在右。則右重。故迴首

時慎護重處而就右也。推之于脉其義亦然。胎在左則血氣護胎而盛于左。故脉亦從之。而左疾爲男。左大爲男也。胎在右則血氣護胎而盛于右。故脉亦從之。而右疾爲女。右大爲女也。亦猶經云陰搏陽別謂之有子。言受胎處在臍腹之下則血氣護胎而盛于下。故陰之尺脉鼓搏有力而與陽之寸脉殊別也。又如癰疽發上則血氣從上而寸脉盛發下則血氣從下而尺脉盛發左則血氣從左而左脉盛發右則血氣從右而右脉盛也。丹溪以左大順男右大順女以

醫人之左右手言蓋智者之一失也

脉經曰婦人妊娠其夫左乳房有核是男右乳房有核是女也

○宏翰按此言妻孕而夫乳有核其言似謬恐衍文多一夫字但女孕則女乳有核其理可通學者宜審之脉經曰婦人懷娠離經其脉浮設腹痛引腰脊爲今欲生也但離經者不病也

又婦人欲生其脉離經夜半覺日中則生也離經者離經常之

脉也

王子亨云。妊娠其脉三部俱滑大而疾。在左則男。在右則女。

脉指南曰。關上一動一止者一月。二動二止者二月。餘倣此。

脉訣刊誤云。滑疾按微。胎三月。但疾不散。五月母。

若懷胎五月。是以數足。胎成就而結聚。必母體壯熱。當見脉息躁亂。非病苦之症。乃五月胎已成。受火精。故身熱脉亂。原無他病也。

女腹如箕。男腹如釜。欲產之脉。散而離經。新產之脉。小。

緩爲吉。實大弦牢。其凶可明。

預辨男女陰陽算法訣

娠婦男女預知生。陰陽算法最分明。男係單歲雙月受。雙歲單月亦男形。若在單歲單月受。雙歲雙月女胎成。依此產來多有壽。若還反此命難存。

○如娠婦二十一歲在二四六等月受胎。者必男。在正三五等月受者。必女。倘應男而產女。應女而產男者。後皆不育。或壽夭也。

死絕脉有十四可决短期法

素問大奇篇

脉至浮合浮合如數一息十至以上是經氣子不足也

微見九十日死

浮合者如浮浪之合後以催前數數

是十二經脉之氣五藏之精氣皆衰奪極盡微見初見也始見此脉其死僅在九日與十日之間耳蓋肺主元氣其成數在九脾主五藏其成數在十也子與同

脉至如火薪然是心精之子奪也草乾而死

脉來如火薪之熾乃

洪大無根無神之脉是邪氣熱極心精被奪夏為木令猶尚未絕至秋盡冬初草乾之候寒水令行心火受剋而死

脉至如散葉是肝氣子虛也木葉落而死

散葉者飄浮無根之狀肝

本大虛未遇金而負遇
秋而凋故深秋而死也

脉至如省客省客者脉塞而鼓是腎氣予不足也懸去

蕤華而死

馬玄臺曰省客者暫去暫來也正以脉本

本源虧極鼓不常鼓而閉塞自如也虛華之候木衰
火旺水安勝之故曰懸去蕤華而死也懸去猶俗云
虛度也○李士材曰省者禁也故天子以禁中爲省
中塞者沉而不利也鼓者搏而有力也伏藏于內而
露搏正如禁賓客而不見獨居于內而恣肆也故曰
如省客也是腎氣不寧之故也蕤華去則當長夏也
土旺水敗腎虛者不能支
也二者之論從李氏爲安

脉至如丸泥是胃精予不足也榆莢落而死

丸形圓而泥性輕脉

來如珠轉動浮瀾而無根則中和胃氣已奪至秋冬
之交而榆莢始落之候乃水令方張來侮胃衰之土

而死矣

脉至如橫格是膽氣予不足也禾熟而死

橫格者如橫木之格在指

下且長且堅真藏脉見禾熟秋深金令肆行木被剋敗而死矣

脉至如弦縷是胞精予不足也病善言下霜而死不言

可治也絃縷者如弓弦之急如縷之細也胞者心胞絡言不休也夫脉急細則反其洪大之常善言則

喪其神明之守方霜下而水令司權火當絕矣

脉至如交漆交漆者左右旁至也微見三十日死

交漆者以

漆絞去其渣也脉來如絞漆之狀是左右旁至有降無升有出無入大小不勻前盛後虛也藏府衰奪陰陽乖亂初見此脉必期其三十日而死蓋月魄之生死以三十日為盈虛故也

脉至如湧泉浮鼓肌中太陽氣予不足也少氣味韭英

而死

湧泉者有升無降有出無入勢甚洶湧莫能遏禦也脉來浮鼓于肌肉之上而乖違其就下之

常勝膀胱衰竭陰精不能上奉故少氣耳韭英初發木令當權則水官謝事矣故死

脉至如頽土之狀按之不得是肌氣予不足也五色先

見黑白壘發而死

頽土者頽敗之土也虛而無根按之全無也肌氣即脾氣脾主肌肉

也黑為水色土虛而水無所畏反來乘之也壘即蓬蒿也蒿有各種而白者發于春當木旺之時土

安得而不敗乎

脉至如懸雍懸雍者浮揣切之益大是十二俞之予不

足也水凝而死

懸雍者乃喉間下垂之肉音聲之機也脉來如懸雍浮揣切之益大即知

重按之必空矣。是孤陽亢極之象也。十二俞在背。即五藏六府十二經之所繫也。水凝為冰。乃陰盛之候。而孤陽安有不絕乎。

脉至如偃刀。偃刀者。浮之小急。按之堅大急。五藏苑熱。

寒熱獨并于腎也。其人不得坐。立春而死。浮之小急。如刀口也。

按之堅大且急。如刀背也。苑者。積結也。五藏精衰而結熱。故發寒熱也。陽王則陰消。故獨并于腎也。腰者。腎之府。腎虛則不能起坐。迨立春。陽氣用事。陰日衰而死矣。馬玄臺謂此脉當見于尺部。○吳鶴皋謂不得坐。腎肉消也。

脉至如丸滑不直手。不直手者。按之不可得也。是大腸

氣予不足也。裏葉生而死。脉至如丸之滑。其實有形。今圓活不直手。似乎無形。

也。大腸庚金之精氣已敗而將脫之兆。新夏葉初生。火旺之候而死矣。

脉至如華者。令人善恐。不欲坐臥。行立常聽。是小腸氣

予不足也。季秋而死。

華者草木之花也。在枝葉而不

之氣通于心經。小腸不足故心痛。善恐不欲坐臥者。心神怯而不寧也。行立常聽者。恐懼之心生疑耳。丙火墓于戌。故當季秋而死也。

逍遙館脉綜六氣配六部圖診脉發病辨誤論

左手主氣圖

寸左			關左			尺左		
浮	中	沉	浮	中	沉	浮	中	沉
立夏十五日	谷雨十五日	清明十五日	雨水十五日	立春十五日	大寒十五日	小寒十五日	冬至十五日	大雪十五日
少氣之二			陰氣之初			太氣之終		

右手主氣圖

寸右			關右			尺右		
浮	中	沉	浮	中	沉	浮	中	沉
立冬十五日	霜降十五日	寒露十五日	白露十五日	處暑十五日	立秋十五日	大暑十五日	夏至十五日	芒種十五日
太氣之五			陰氣之三			少氣之一		

左手尺部腎膀胱之脉所出太陽寒水也主小雪大雪
冬至小寒候左腎膀胱小腸前陰腰臀也○關部肝
膽之脉所出厥陰風木也主大寒立春雨水驚蟄候
肝膽脇肋背膊也○寸部心膻中之脉所出少陰君
火也主春分清明穀雨立夏候心膻中喉嗌肩膊頭
項背也

右手尺部腎大腸之脉所出少陽相火也主小滿芒種
夏至小暑候右腎大腸後陰尻脛也○關部脾胃之
脉所出太陰濕土也主大暑立秋處暑白露候脾胃

膜膈臍腹也。○寸部肺大腸之脉所出陽明燥金也。主秋分寒露霜降立冬候肺胸中胃口咽頭面也。

按六氣配寸關尺六部以候節氣之脉病此圖載在逍遙館脉綜係明朝姑孰人孫胥字叔謀所輯余細閱文詞而孫叔謀亦集前人之筆則此圖流傳已久而今李士材診家正眼亦有此圖但士材之圖比此圖之節氣稍有互異然議論俱似是而實非也且診脉家用之不驗今將一二節辨論正誤于後

○圖云診得六部之中獨異者病看是何部分屬何氣

候依圖斷之如左關中分候脉獨弦大則知立春後雨水邊有風熱之患蓋弦主風而大主熱也假如秋令診得此脉恐不久卽有瘧疾之病作矣豈能待過冬而至春之久而發病乎殊屬不合今正之

○圖云右尺沉分獨緩滯實大則小滿芒種邊有濕熱之病蓋緩滯主濕實大主熱也假如立秋令診得此實大之脉當卽有下焦火旺或大便難或小便淋澀等病何能待過至來歲小滿芒種時有半載餘之久而始發病乎以實理揆之決無此理也大抵此圖

與太素脉法同但太素賴屬鑑同用乃江湖之流汎
今此圖欲將脉之實理而行何能見驗子特辨其誤
而正之庶免後學有捕風之嘆云爾

四診脉鑑大全卷之八

終

四診脉鑑大全卷之九

雲間浩然子惠源王宏翰輯著

運氣摘要

司天運氣總論

原夫五運六氣之學內經備載馬玄臺註釋甚詳及讀
王啓玄玄珠密語廣博詳晰分門條列可謂無餘蘊
矣顧徵之民病有不能盡驗者蓋因運氣流行有偏
隅方向原不能處處慨然也但民之疾厲多有因於
天時歲氣者平時若不講明臨症曷以致用奈今之

習醫者止爲謀生射利之計淺學而不究及之無怪
乎醫道之日晦也予所望者惟賴有志之士不爲習
俗所拘殫格致之學盡心參究則不特運氣之說無
難融會於胸中進而推之卽天地化育之本身心性
命之原貫而通之固有道矣學者其可自盡乎藝若
醫學原始已將天地之形體火氣水土四元行之性
情風雲雷雨之變化講論明晰至於五星列宿之照
臨實關氣運其理難以驟明此係天文家之學予另
有乾坤格致可攷今止摘運氣綱領以備時行民疾

診脉用藥又當臨症活潑若拘某年爲某政執某藥
以治之是膠柱而鼓瑟也今將大義立圖立說於後
以便爲初學之階梯免沾汗之苦云爾

五運六氣圖論

五運者金木水火土也六氣者風寒暑濕燥火也其法合十干爲五運對十二支爲六氣運有主運客運氣有主氣客氣天以六氣動而不息上應乎客地以五行靜而守位下應乎主

運有南北二政惟土運爲南政甲巳二年是也蓋土位居中而南行令故也金木水火四運爲北政乙丙丁戊庚辛壬癸八年是也皆以臣事北面受令故也甲巳之歲土運統之乙庚之歲金運統之丙辛之歲水

運統之丁壬之歲木運統之戊癸之歲火運統之也

總論

運乃五年一週氣則六期環會五運有太過不及有平運有大運有主運客運也太過者甲丙戊庚壬五陽干也不及者乙丁己辛癸五陰干也太過之年大寒前十三日交名曰先天不及之年大寒後十三日交名曰後天平運者司天與運同氣也或太過而司天剋氣或不及而年支相合謂之歲會或月干與之相符或交初氣日干時干與之相合謂之干德符值之

者物生脉應無相先後皆平運也正大寒日交名齊
天大運者本年年干也主運者每年皆以木運從大
寒日始以次相生至水而終每運各主七十二日零
五刻歲歲皆然也客運者如甲爲土乙爲金以次相
生至癸爲火逐歲變遷也六氣有司天有在泉有主
氣客氣有正化對化也主氣者每年皆以木氣從大
寒始以次相生至水氣而終每氣各主六十日奇八
十七刻半歲歲皆然也客氣者以本年年支後第三
支起如子年子後第三支是戌戌屬水就以水氣從

大寒日始爲初氣卽在泉左間也木爲一氣卽司天
右間也火爲三氣卽司天火氣也土爲四氣卽司天
左間也金爲五氣卽在泉燥金也水爲終氣卽在泉
右間也每氣各主六十日奇八十七刻半每年一易
也以客加主客勝主則從主勝客則逆凡司天主上
半年在泉主下半年此運氣之大概也

水二火二木三金四土五

陽干為太太教成
陰干為少少教生

天不之生

五行之位


五音之運

生成之數

太過不及

平運總圖

如丙辛水運丙為太羽其
從成數六辛為少羽其從
生數一之類也但土無成
數皆從生數五也



丙辛水運


丁火運

戊土運

每年司天在泉正化對化之圖

正司化令之實
對司化令之虛
正化從本生數
對化從標成數

土無成數皆從
生數故正化對
化皆從五也



六氣分上下左右而行天令十二支分節令時日而司
地化然以六氣而加于十二支則有正化對化之不
同如厥陰之司於巳亥者以厥陰屬木木生於亥故
正化於亥對化於巳也少陰司於子午者少陰爲君
火當正南離位故正化於午對化於子也太陰司於
丑未者以太陰屬土居中旺於西南故正化於未對
化於丑也少陽司於寅申者以相火卑於君火生於
寅故正化於寅對化於申也陽明司於卯酉者以陽
明屬金酉爲西方金位故正化於酉對化於卯也太

陽司於辰戌者以太陽爲水辰戌屬土謂水行土中而戌居西北爲水漸旺之鄉故洪範五行以戌屬水故正化於戌對化於辰也皆以陰陽之盛衰各於十二辰以明正化對化之理也

年氣客氣之圖

內圖是主氣
主氣又名地
氣年如易此
千古不易

外圖是客氣
客氣又名天
氣年更換
六歲相同



假如子午年初氣太陽二氣厥陰三氣少陰之類
正未年初氣厥陰二氣少陰三氣太陰之類推之
是也

按客氣六微旨大論曰上下有位左右有紀故少陽之
右陽明治之陽明之右太陽治之太陽之右厥陰治
之厥陰之右少陰治之少陰之右太陰治之太陰之
右少陽治之此謂氣之標蓋南而而待之也


丑未歲氣圖

乙丑歲名乙
 未歲名乙
 從革
 辛未
 歲名辛
 潤澤
 丁未
 歲名丁
 戊辰
 歲名戊
 己巳
 歲名己
 庚午
 歲名庚
 辛未
 歲名辛
 壬申
 歲名壬
 癸酉
 歲名癸




申歲氣火化之圖

丙寅 申歲名丙
 壬申 申歲名壬
 庚申 申歲名庚
 戊寅 申歲名戊
 甲申 申歲名甲
 壬申 申歲名壬
 庚申 申歲名庚
 戊寅 申歲名戊
 甲申 申歲名甲



卯酉歲氣燥化之圖

丁卯 酉歲 名 丁
 酉歲 名 酉
 庚申 名 庚
 酉歲 名 酉
 伏明 名 伏
 巳酉 名 巳
 卯歲 名 卯
 早監 名 早
 乙卯 名 乙
 乙卯 名 乙
 名從 名
 乙酉 名 乙
 名審 名
 辛卯 名 辛
 酉歲 名 酉
 湖流 名



戊辰歲名戊
戊辰歲名戊
戊辰歲名戊
戊辰歲名戊
戊辰歲名戊
戊辰歲名戊
戊辰歲名戊
戊辰歲名戊



每 年 交 六 氣 時 節 日 圖

推交二月也乃四時也為候火一五
 氣節令每四時亦三為上候日
 可以其氣曜為十一月周金為
 類刻主二義歲也一道以三木候




先天八卦 後天八卦 九宮分野 總圖

內圖為先天

外圖為後天
九宮分野



九宮八風圖



四診脈鑑

卷之九

七

太乙者歲神也。常以冬至之日居坎方。叶蟄之宮。計四十六日。立春居艮方。天留之宮。計四十六日。春分居震方。倉門之宮。以此照圖推之也。太乙移日。天必應之以風雨。若此日有風雨。則歲美。民安。少病。先於所移之日而有風雨。則天必多雨。後於所移之日而有風雨。則民必多汗。其風從所居之鄉來。如冬至日來自北方。春分日來自東方。之謂是之實風也。主生長以養萬物也。或從其衝後而來。如冬至日從南方西方而來。春分從西方北方而來。是之謂虛風也。主殺。

害以傷人也。謹候虛風以避之。惟聖人避之如矢石。所以邪勿能傷。如風從南方來。名曰大弱風。南方屬火。爲心主。熱其傷人也。內舍於心。外在於脉。其氣主病爲熱風。從西南方來。名曰謀風。其傷人也。內舍於脾。外在於肌。其氣主病爲弱風。從西方來。名曰剛風。西屬金。爲肺主。燥其傷人也。內舍於肺。外在於皮膚。其氣主病爲燥。從西北來者。名曰折風。其內傷於小腸。而外在於手太陽之脉。從北方來。名曰大剛風。其傷人也。內舍於腎。而外在於骨。及肩背內之膂筋。其氣主

病爲寒從東北來名曰凶風其內傷於大腸而外在
兩脅旁骨下及肢節以大腸於別府不同皆能受傷
風從東方來名曰嬰兒風其傷人內舍於肝外在筋
紐其氣主病爲身濕以風爲嬰兒其氣尚柔不能勝
濕故也從東南來名曰弱風以未主土其內傷於胃
而外在肌肉其氣主病體重此八風者皆從其虛之
鄉來乃能病人三虛相搏則爲暴病卒死兩實一虛
病則爲淋露寒熱犯兩濕之地則爲痿故聖人避風
如避矢石其有三虛而偏中邪風則爲擊仆偏枯矣

運氣十一法

六十年內有天府十二年 歲會七年

同歲會六年 天府六年 歲會同天府二年 太乙天府四年 支德符四

年 順化運十二年 天刑運一十年 小逆

運與司天相合曰天符

如戊子戊午為火運司天乃少陰君火運與司天皆

火則為合故曰天符其已丑已未乙卯丙辰丙戌戊

運臨本氣之上謂歲會 即運與地

如丙子年丙為水運子乃屬水則運與子合故曰歲

會其丁卯甲辰已未甲戌戊午乙酉共七年皆是歲

也會也

太過之運與在泉合謂同天符謂之同者歲運與在泉合陽年曰同天符陰年

日同

歲會

如庚子庚午年為金運運與在泉陽明燥金合故曰同天符其壬寅壬申甲辰甲戌共六年亦皆同天符也

場會同天符

如甲辰甲戌二年是也

不及之運與在泉合謂同歲會

如辛丑辛未年辛為水運與在泉太陽寒水合故曰同歲會其癸卯癸酉癸巳癸亥亦是共六年也

天符歲會相合謂太乙天符

如巳丑巳未二年巳爲土運又司天太陰濕土丑未又屬土乃三合會也故曰太乙天符其戊午乙酉亦是共四年也

運與四孟月相合謂支德符

如寅屬木春孟月也壬寅年木運臨之巳屬火夏孟月也癸巳年火運臨之申屬金秋孟月也庚申金運臨之亥屬木冬孟月也辛亥木運臨之是也六十年中止有此四年也

天氣生運曰順化

如甲子年午甲寅甲申四年乃少陰君火下生甲土之運也其壬辰壬戌二年水下生木也乙丑乙未二年土下生金也辛卯辛酉二年金下生水也癸巳癸亥二年木下生火也共一十二年也

天氣剋運曰天刑運

如庚子庚午年爲金運子午少陰君火下剋金運故
曰天刑餘做此推之

如辛丑辛未庚寅庚申丁酉丁卯戊
辰戊戌己亥己巳共一十年也

運生天氣曰小逆

如壬子壬午年丁壬木運子午少陰君火木上生下
火故曰小逆餘做此推之如辛巳辛亥癸丑癸未壬
寅壬申巳卯巳酉庚辰庚戌共十二年也

運剋天氣曰不和

如丙子丙午丁丑丁未丙寅丙申癸卯
癸酉甲辰甲戌乙巳乙亥共十二年也

按經曰天符謂執法歲會謂行令太乙天符謂貴人
邪之中人則執法者其病速而危行令者其病徐而

待貴人者其病暴而死也

六氣司天所主天時詩

風木司天主有風

少陰君火日融融

相火當權多酷熱

太陰濕土雨濛濛

燥金用事多清肅

寒水當時冷氣攻

六氣司天所主民病詩

風木司天多掉眩

少陰瘡瘍熱相煎

相火流行瘟疫盛

太陰濕土胃家愆

燥金用事多皮揭

寒水當權筋骨攣

主運詩

大寒木運始行初
芒種後三土運是
立冬後九水運伏

清明前三火運居
立秋後六金運推
朔而復始萬年如

客運詩

甲巳化土南政君
丁壬化木戊癸火

丙辛水運乙庚金
此爲北政居於臣

司天在泉詩

子午少陰君火天
丑未太陰濕土土

陽明燥金應在泉
太陽寒水兩連綿

寅申少陽相火旺

厥陰風木地中聯

卯酉却與子午倒

辰戌巳亥亦皆然

卯酉年陽明司天

少陽在泉

辰戌年太陽司天

太陰在泉

巳亥年厥陰司天

少陰在泉

以此推之是也

主氣詩

大寒厥陰氣之初

春分君火二之隅

小滿少陽爲三氣

大暑太陰四相呼

秋分陽明五是位

小雪太陽六之餘

客氣詩

子午太陽寒水始

丑未厥陰風木通

寅申少陰君火初

卯酉太陰濕土是

辰戌少陽相火光

巳亥陽明燥金主

此設乃輪流數去之法。假如子午年初氣太陽二氣厥陰二氣少陰四氣太陰五氣少陽六氣陽明又如丑未年初氣便是厥陰二氣少陰三氣太陰之餘做此

二十四氣七十二候生旺可推運氣盛衰章

立春	正月節斗指艮土旺木相	雨水	正月中斗指寅寅木用事	驚蟄	二月節斗指甲甲木用事
春分	二月中斗指卯木旺木相	清明	三月節斗指乙乙木用事	穀雨	三月中斗指辰辰土用事
立夏	四月中斗指巳火旺火相	小滿	四月中斗指午午火用事	芒種	五月中斗指未未土用事
夏至	五月中斗指午火旺土相	小暑	六月中斗指未火用事	大暑	六月中斗指申土用事
立秋	七月中斗指申土旺金相	處暑	七月中斗指酉金用事	白露	八月中斗指戌戌土用事
秋分	八月中斗指酉金旺金相	寒露	九月中斗指戌金用事	霜降	九月中斗指癸癸水用事
立冬	十月中斗指壬水旺水相	小雪	十月中斗指癸水用事	大雪	十一月中斗指子子水用事
冬至	十一月中斗指子水旺土相	小寒	十二月中斗指丑土用事	大寒	十二月中斗指寅土用事

以上節氣十二中氣十二每五日爲一候三候爲一節氣共節氣有二十四候有七十二也

四診脈證大全卷之九終